

Broj: 03-04-1366-34/24
Sarajevo, 04.10.2024. godine

PARLAMENT FEDERACIJE BOSNE I HERCEGOVINE

Zastupnički dom

n/p gosp. Ivanu Miličeviću, tajniku ✓
n/p gosp. Mirzi Čeliku, zastupniku

Bosna i Hercegovina
Federacija Bosne i Hercegovine
PARLAMENT FEDERACIJE
SARAJEVO

Primijeno: 07-10-2024			
Org. jed.	Broj	Priloga	Vrijednost
05/1	02	450	24

Predmet: Odgovor na zastupničko pitanje

Poštovani,

Sukladno članku 75. Poslovnika o radu Vlade Federacije Bosne i Hercegovine - Prečišćeni tekst ("Službene novine Federacije BiH", br. 6/10, 37/10, 62/10, 39/20 i 67/21), a u svezi s člankom 116. Poslovnika Zastupničkog doma Parlamenta Federacije Bosne i Hercegovine („Službene novine Federacije BiH“, br: 69/07, 2/08, 26/20 i 13/24), u prilogu Vam dostavljam akt Federalnog ministarstva energije, rudarstva i industrije, broj: 05-02-4-1530/24 od 19. rujna 2024. godine, koji se odnosi na zastupničko pitanje zastupnika Mirze Čelika.

S poštovanjem,



TAJNIK VLADE

dr. sci. Edita Kalajdžić

Privitak: kao u tekstu

9193

Broj: 05-02-4-1530/24
Mostar, 19.09.2024. godine

BOSNA I HERCEGOVINA
FEDERACIJA BOSNE I HERCEGOVINE
VLADA FEDERACIJE BOSNE I HERCEGOVINE
Generalni sekretarijat Vlade Federacije Bosne i Hercegovine
n/r g-đa Edita Kalajdžić, sekretar Vlade

PRIMLJENO: 04.10.2024

Organizaciona jedinica	Klasifikaciona oznaka	Redni broj	Broj priloga
03	- 09	- 1366	- 34/2024

PREDMET: Zastupničko pitanje, odgovor – dostavlja se

Veza: Vaš akt broj: 03-04-1366-34/24 od 01.08.2024. godine

Poštovani,

U prilogu Vašeg akta bliže naznačenog dopisom veze, dostavili ste, na nadležno postupanje, poslaničko pitanje koje je poslanik Mirza Čelik postavio na 13. redovnoj sjednici Predstavničkog doma Parlamenta Federacije Bosne i Hercegovine.

Poslaničkim pitanjem se od Vlade Federacije Bosne i Hercegovine traži odgovor na slijedeća pitanja:

1. Razlozi za poskupljenje struje:
 - Koji su tačni razlozi za poskupljenje struje? Molim Vas da navedete sve faktore koji su utjecali na ovu odluku, uključujući povećanje troškova proizvodnje, distribucije i eventualne regulatorne promjene.
2. Mjere za ublažavanje utjecaja na građane:
 - Koje mjere Vlada planira poduzeti kako bi ublažila negativne posljedice poskupljenja struje na domaćinstva, posebno one s nižim primanjima?
3. Utjecaj na privredu:
 - Kako će poskupljenje struje utjecati na poslovanje privrednih subjekata u Federaciji? Da li se očekuje da će ovo poskupljenje imati negativan utjecaj na konkurentnost naših kompanija, posebno onih koje su energetske intenzivne?
 - Koje mjere planira Vlada kako bi podržala privredu u suočavanju s povećanim troškovima električne energije?
4. Dugoročne strategije za stabilizaciju cijena:
 - Koje dugoročne strategije Vlada ima u planu za stabilizaciju cijena električne energije i osiguranje održivog energetskog sektora?
 - Da li se planiraju ulaganja u obnovljive izvore energije ili poboljšanja efikasnosti postojećih energetskih postrojenja kako bi se smanjili troškovi proizvodnje i time stabilizirale cijene?
5. Komunikacija s javnošću:
 - Kako je Vlada komunicirala ovu promjenu prema građanima i privredi? Da li su provedene adekvatne informativne kampanje kako bi se građani pravovremeno obavijestili o razlozima poskupljenja i mjerama koje će biti poduzete za ublažavanje njihovih posljedica?

U skladu sa postavljenim poslaničkim pitanjima u nastavku slijedi odgovor na ista:

1. U skladu sa članom 109. stav (3) i članom 169. stav (1) Zakona o električnoj energiji Federacije Bosne i Hercegovine („Službene novine Federacije BiH”, broj 60/23 u daljnjem tekstu: Zakon), člana 11. stav (3) Pravilnika o metodologiji za utvrđivanje cijena za snabdijevanje električnom energijom krajnjih kupaca kod javnog i rezervnog snabdjevača („Službene novine Federacije BiH”, broj 22/24) i Odluke Vlade Federacije BiH o utvrđivanju pružaoca javne/univerzalne usluge i usluge rezervnog snabdjevača („Službene novine Federacije BiH”, broj 84/14), Regulatorna komisija za energiju u Federaciji Bosne i Hercegovine - FERK je na XV redovnoj sjednici održanoj 28.6.2024. godine donijela Odluku o davanju saglasnosti Javnom preduzeću Elektroprivreda Bosne i Hercegovine d.d. - Sarajevo na prijedlog cijena snabdijevanja krajnjih kupaca kod javnog snabdjevača, broj: 07-13-2-607-5/24. Predmetnom Odlukom FERK **daje saglasnost** Javnom preduzeću Elektroprivreda Bosne i Hercegovine d.d. - Sarajevo, kao imaocu dozvole za snabdijevanje električnom energijom - dozvole I reda i javnom snabdjevaču, na prijedlog cijena snabdijevanja krajnjih kupaca kod javnog snabdjevača, sadržan u Prilogu I Odluke o utvrđivanju prijedloga cijena javne usluge snabdijevanja Javnog preduzeća Elektroprivreda Bosne i Hercegovine d.d.- Sarajevo, broj: NO-16330/24-35./8. od 24.05.2024. godine. Na internet stranici Regulatorne komisije možete naći sve potrebne informacije: <https://www.ferk.ba/ba/images/stories/2024/prijedlog-cijena-epbih-607-1.pdf>.
2. Već od 2011. godine Vlada Federacije BiH provodi Odluku o provođenju mjera za smanjenje troškova električne energije domaćinstvima i stimulaciji energetske efikasnosti, na osnovu koje se subvencionira dio troškova za električnu energiju. Iznos subvencija JP Elektroprivreda BiH d.d. – Sarajevo i JP Elektroprivreda HZ HB d.d. Mostar Vam dostavljamo u prilogu dopisa.
Pored navedenog, želimo Vas obavijestiti da je članom 17. Zakona o energiji i regulaciji energetske djelatnosti u Federaciji Bosne i Hercegovine („Službene novine Federacije BiH”, broj: 60/23), između ostalog, propisano da Vlada Federacije BiH donosi uredbu kojom se uređuju pitanja od značaja za zaštitu ugroženih i zaštićenih kupaca.
3. Pored povećanja cijena snabdijevanja krajnjih kupaca kod javnog snabdjevača JP Elektroprivreda d.d. – Sarajevo, potrebno je naglasiti da je u prethodnom periodu, u skladu sa članom 6. stav (1) tačka w) Zakona, došlo do prelaska više kupaca sa javne usluge snabdijevanja na tržišno snabdijevanje. U skladu sa članom 101. Zakona, krajnji kupci električne energije imaju pravo da slobodno izaberu svog snabdjevača električnom energijom. Vlada Federacije BiH je u 2022, 2023. i 2024. godini donosila odluke o ograničavanju povećanja cijena snabdijevanja električnom energijom, kojom je ograničavala rast cijena snabdijevanja električnom energijom.
4. Cijene električne energije bi trebale imati tržišni karakter. 2015. godine je otvoreno tržište električne energije u Bosni i Hercegovini. U svim zemljama u EU, cijene snabdijevanja su u korelaciji sa kretanjem cijena na berzama električne energije. Navedene cijene na berzama su bile volatilne u prethodnom periodu. Vlada Federacije Bosne i Hercegovine je svojim odlukama osigurala da se navedena volatilnost cijena ne prenese i na krajnje kupce u Federaciji Bosne i Hercegovine. Pored navedenog, u toku je izrada Energetske strategije Federacije Bosne i Hercegovine za period 2025.-2035. godine s osvrtom na 2055. godinu, a koje će definisati pravce i planove u energetsom i elektroenergetskom sektoru do 2055.

godine, a uvažavajući i preuzete obaveze iz Ugovora o uspostavi Energetske zajednice, te posebno proces dekarbonizacije energetskog sektora.

Pored održavanja i revitalizacije pa i poboljšanja efikasnosti postojećih energetskih postrojenja, javna elektroprivredna društva uporedo rade na više projekata – postrojenja za proizvodnju električne energije iz obnovljivih izvora energije kako bi osigurali energetske neovisnost i u narednom periodu, te stabilizovali poslovanje elektroprivreda, a što bi se i odrazilo na cijenu električne energije i prema krajnjim kupcima. Važno je napomenuti da će JP Elektroprivreda BiH d.d. Sarajevo trebati uložiti dodatne napore kako bi se u narednom periodu proizvodnja električne energije iz termoelektrana, koja će se smanjivati, adekvatno nadomjestila energijom iz obnovljivih izvora energije.

5. Vlada Federacije Bosne i Hercegovine i Federalno ministarstvo energije, rudarstva i industrije, kao nadležno ministarstvo na polju energije, su u prethodnom periodu kontinuirano obavještavali javnost, kako o prihvaćenom tako i prethodnim zahtjevima JP Elektroprivrede BiH d.d. – Sarajevo za povećanje cijena snabdijevanja javnog snabdjevača. Pored navedenog, u skladu sa Zakonom, Regulatorna komisija, kao nezavisno tijelo, je na svojoj internet stranici kontinuirano obavještavala zainteresiranu javnost po predmetnoj problematici. Posljednje povećanje cijena snabdijevanja krajnjih kupaca kod javnog snabdjevača je bilo u 2013. godini. Već duži niz godina, Sekretarijat Energetske zajednice upozorava da snabdijevanje svih krajnjih kupaca električne energije treba biti tržišnog karaktera tj. imati iste cijene električne energije, te da niske cijene snabdijevanja krajnjih kupaca kod javnog snabdjevača ne bi trebale biti "teret" cijenama snabdjevanja krajnjih kupaca u privredi, kao i javnih elektroprivrednih društava. U tom smislu, navedeno povećanje cijena snabdijevanja predstavlja neophodan korak ka funkcionalnijem tržištu električne energije, a što je i obaveza BiH na putu ka EU.

S poštovanjem,

Dostaviti:

- Naslovu
- 05
- a/a

